



اتهجى الحلم ف حروفك

شعر عامية

شوقي عبد الوهاب

اتهمجى العلم فى حروفك

عورة

يمكن اكون ولد شقى
ضبطونى ببص من فتحت
مفتاح حمام جارتنا الجميله
حبسونى فى اوضه الفيران
والصبح جرونى على المشنقه
ولموا الناس علشان
يتفوا على وشى وقلعونى عيونى
ويسبونى ارجع البيت عريان
من غير حتى ورقة توت
يمكن اكون ولد شقى
بعرف اصطاد ابو فصادة
واطير طياره ورق
واعرف اغطس فى المالح
واملا حجر امى ام الخلول
اكيد كنت ولد جميل
بس مش فاكر حاجه
غير لما هاجرنا وسبنا بيوتنا
لليهود تتعلم فيها التنشين
من ساعتها مش لاقى نفسى
وسط الزوايا والاركان
غير انى قافل الشباك
بضهرى وبفكر بهدؤ
فى مصيبه دفعت تمنها
ولسه ما عملتهاش

ماتعيطيش..

وصممت ترحل بلا عودة
وهى بتقولى هات بواقى ملامحى
الموجوده جوه غنيك
هات خصلة من سنابل قمحى
واتر قدمى وصوت العصافير
ولمة اهل الحارة
...وباقى سلام لسه على ايديك

الكلام المر ..

ر غر غت جوفى با لكلام
المرو واجعنى وازاى هاسعنى
واناوانتى متخاصمين
من كتر ظلمى لنفسى
عايز افضفضلك واسمعك حواديت
ما تيجى يلا سوا نقوم ونبنى البيت
سبع صنايع والبخت ضايع
والحظ نايم ف العيون تواييت
حبى اتحكا طلع غنايا بكا
شق الضلوع شبابيك
..يا مستحيه
حبك قضيه مش عاجب الهلا فيت
مش قادر اسيب طرف جلابيتك
لا الاقى قلبى يتصحن فتافيت
وازاى راح ارجع
طول ما احنا متخاصمين

احلام عديمة..

قومي يا ست البنات

نفضى تراب السفر
رتبى كل الحاجات
حتى مواعيد القدر
واغسلى القله القديمه
وانشريها على السبيل
واحضنى بكره الجميل
وانتى بصه للسما
لمى احلامنا العديمه
واحدفيها للحمام
وانتى بترصى الغسيل
واربطينى مشباكين
فوق الجبين واتكحلى
خشى قلبى وكملى الذكريات
اربطى صوابع ايدينا
دبله من نقطة مطر
يا عروسه بحر قلبى
دانتي كل الامنيات

استهبل ..

استهبل واعمل نفسك

ولا فى دماغك وارمى
مشاكل حبي وحبك م الشباك
واياك تتحرك لحظه
لم عواطفك جوه فريزر
زى عوايدك وارتاح
سيب الحيره وقلقى معايا
وافرح قوى من قلبك واضحك م الاخر
على خبتى فى حبك
شئ جوايا بيلعب بيه
ملك وكتابه
واتصورلى اقطع لحملك
واجرى بكل ما فيه
وارمى نفسى تحت القطر
وارجع واندم واكره نفسى
واكسر كل حواجز ضعفى
وادخل تانى نفس الدايره
..وانت لسه ولا ف دماغك وبتستهبل

خاتم سليمان..

كانت عندها اللعوب

بترصد حركات قلبي
لما بيمشي داخل صدري
وبتقرا الافكار الوحشه
المرميه ف عقلى الباطن
تيجي وتركب سرج كتافي
ويشنكلني صباع الروج
المتبعتر على شفايفها
واسقط جوه الصدر المرمر
واشوف منه خاتم سليمان
لحظة ما خنقني ريحة برفانها
الناس ناموا جوه الدواليب
وانا تحت عامود النور
مستنى رنة ماشيتها
البنيت الماشيه بنتقصع
ع الرتم الواقع من بق المطرب
تكتب بالطباشير الحلم
شجرة وقمرة وبيت
وانا حبيت اغطس ف البحر
النحل بيهرب م الدبابير
وبيرسم تمثال م الشمع
على باب الحلم المعجون بالخوف

حاجات كده..

- ١ - قزاز القلب المكسور
بتهرب منه العواطف
نسيته النجوم واصوات المدن
ضايح ما بين اوراق الخريف
الليل وجع وعزة نفسى وحاجات كده ..
- ٢ - ساعات باليل بتبقى ابتسامه
وساعات كتيرة بتبقى اهانه
او صدر ام يشبه يمامه
وانا بخاف م البحر
صببت كاسات وكاسات
ونيمت القيامه ..
- ٣ - هاتيحي تعالى راح تبعدى
مع السلامه ..
يا شعر يا تعب القلوب
حسك امانه ..
لو كان حب او كانت خيانه
وانا بكره الخيانه ..
- ٤ - هاندارى ليه ونسجن مشاعرنا
هنخاف من ايه وانتى قدرنا
اصرخى معايا نعلن هوانا
خللى القلوب تقول معانا
فى حاجات كده..

حبة قصايد لكى..

- ١ - الدمعه النازله على خدك
صمتك وليالى الشوق
والقله النايمة على الشباك
والسر اللى بنا
وبرطمان العسل من قلبك
اديني دفاكى من برد الشتا
وهاتى افكارى اللى كانت
فى الليل الغطيس
وهاتى الصديق الحسيس
ماتعيطيش بس ممكن تندمى ..
- ٢ - مهاجر فيكى من عصر الذنوب
اسف..
انا مش بغازلك
انتى بذنوبك تتكلم الحياه
شجرها .الحجاره .كل حاجه بتشتكى
العصافير .البحر .الهوا
ما تحلفيش بالشر ولا با لانبيا ..
- ٣ - بتكلنى الايام الصعبه
وبتشرب منى المقادير
واتنفس من ريش العضم
وانا برسم طوقى المجروح
من امل الصبر
عنيكى لما بتلمس عيني
بتكتب كتابى فى ساعه مخاضى
وتتكشف قلبى بطلقة رصاص ..
- ٤ - يا سييه روحك للقدر
ها يزلزلك زى الرياح
بق الحمامه اما انكسر

غصن الزيتون ركب الجناح ..
٥ - ايه اللى ضامن سلطتك
او مين هايمضى ف صفحتك
واللى اختشيمسح دموعك راح بكا
يا مزوقه لون الاتهام سييب اللجام
العبه دى مش لعبتك ..

بيت من الرملة ..

١ - سمعت الرملة بتتخض

لما الخريطة نامت

كانوا بيبنوا سور

بطول وعرض البحر

التتار زاحفين بخيولهم

وانا سامع صوت الموج

بينسج م الخوف خيال

مشوار للموت وطريق للبعث

سامع جوه نفسى

صرخات وانين با هات

وانا بابنى على الرملة

بيت للحلم المخنوق

وبراهن على حبل مشنقه

وسطور قرقانه فى دمي ..

٢ - لما وقع القمر

من ايدى ع الشباك

واتمرغ ف وحل الرغبه

قلبي اتعاص من دم العناب

واتشبكت عيني ف الصدر المرمر

حسيت بدموعى بتعرج على خدى

والرعدة بتمسك كل مفاصلى

لحظة ما واربت شباك الاحزان

كنت انا وانتى خارج حدود الخريطة ..

قبر حياتك...

..ما تتصوريش
وانتى بتتكلمى عن
شريك عمرك
من غير استحيأ
كان شكلك أيه
لو بصيتى ف مرأيه
وانتى بتعرضى انفعلاتك
كنتى اكيد هاتخافى
مع انك لازم تفهمى
ان العشرة ليها حق عليكى
وعلشان تفتحى قبر حياتك الخاصة
وتفوح منه ريحتك انتى وهوه
والناس كلها تتأفف مش حلو
عارفه بتفكرينى بأيه
بالدبه اللى قتلت صا حبها

طلاق..

..ارجوكى

فكرى قبل ما نقعد سوا ع الترييزة
وقبل ما نمسك ورق الكوتشينه
مين فينا هايكون الكسبان
انا واثق ان الخسران فينا
هايكون الداخلى بنا
حتى ان كان الشيخ مأذون
بدون انزعاج بقولك طبيعى
خراب البيوت
يسقط الرجال يسقط الحريم
ويسقط معاهم الحب العظيم
لو كل النساء انثى العنكبوت

تفاحة آدم..

رسمت الحلم الجنة
وادتني تفاحة آدم
وقسمنا سنابل الحب
ونزيف الدم وترايب الفقرا
وسبول الا حلام الخاييه
وسمعنا فتاوى شيوخ القبيلة
فى القاعدة العرفى
ولسه بتنتهمنى بانى حرامى
سرقى منها اللحظه الحلوة
مع انها سرقى منى عمرى كله

دبلة ..

من غير سبب حضرلى
الزمن الناشف مفا جأة
شفت وش طفل جميل
من غير تكليف
سلمت قلبى للبرأة
لحظة ما تلکفت ف الكافولة
دلوقتى مكسوف من دقات قلبى
وانا شايف دبلة وعقد اتفاق
بيخنق رقبتى ف عقلة صباى
وانا شايف الزمن الناشف

رحلة ..

لما هاوصل نهايتك
مش هاكون قلقان
لا انا ولا الطريق
وهاكتب على كل
رصيف يقابلننملحمة
وهايجى كأنات تانيه
ويكونوا فرق اكتشاف
واول ما هيلاقوا اتر رجليا
ويحسوا بتعب رحلتى
راح يملاهم الغرور
ع العموم انا جاهز
مش ناقصنى شئ
غير انى اللاقى بدايتك

ملایة ..

شدى طرف الشمال شويه
وازنقینى فة الحوايه
اعملی مخاصمنى يمكن
اجرى وامسك ف الملايه
جرجرى شعرك عليه
واعصورینى ف الرحايه
هتلاقینى حب يطرح
كل يوم فيكى حكايه
ما انتى اول اسم قولته
يا اطيب قلب يا امايه

غية حمام..

خبيني جوة مخدتك
هاعمل بانام
خبيني جوة دنيتك
هاطلع مع الاحلام
المسينى هاتر عش
بس فى عنيكى القدام
البنات ليه بتتكسف
لو عيني بتقول احضنك
وعنيه مش غية حمام

نهایه ..

بصفتك اشطر ذكور المناحل
وانت بتجرى ورايا
وسابق كل طابور النحل
مع ان ف آخر
الخط هاتموت فيا

وفاء..

لما اتقبلنا ف السما
والملايكه ف طابور التمام
كنتى لابسہ جناحك الابيض
والنجوم نازله على شعرك
زى حبات المطر
افتكرت يوم التخرج
من الجامعه الامريكه
بس النهارده انتى العروسه
اللى بتقابل ربها وف ايدها الشهادة

تهديد..

قلعت قلبي ع الرصيف
تحت تهديد العيون
ومشيت بدون
كان شعرها بيشدني
امد ايدي امسكه
ساعة ما سافر ع الكتاف
انا مش باخاف
بس ممكن لحظة اكون

اهانه..

الليل بيقسم القمر
شقتين بطيخ
وانا حلمي الاهل
ابعد من المريخ
عدت عنها ع الرموش
ووصلت للننى
طلع الكلام هنى
وسابنى واحد جريح

فضيحة..

جارتى الدميمة جدا
بصت لى بقرف
لما انخبط فيها بدون قصد
عملت نفسى بالم اوراقى المتبعترة
وانا متاكدا انها اول فضيحة

زنزانه..

قدام فرقة السمسمية
كانت الحرية بترقص عريانه
وانا محبوس جوايا
باب الزنزانه مفتوح ع الاخر
والعسكر بتودعنى بحب
وانا لسه بفكر ف الدنيا
ازاى هايكون منظرها
وانا بديها ضهرى
وانا جوه السجن

طاقة نور..

لما وقع القمر
من ايدى ع الشباك
واتمرغ ف وحل الرغبة
قلبي اتعاص من دم الفقرأ
واتشبكت عيني ف الصدر المرمر
حسيت بدموعى بتعرج على خدى
والر عشة بتمسك كل مفاصلى
لحظة ما واربت شباك الاحزان
كنت انا وانتى خارج حدود الخريطة

مولود..

العمر ببسقط
سنه ورا سنه
من غير لازمة
المفروض ان حبيبتى
تزغرت يوم ما يقتلوني
يمكن اتولد من جديد

علاقة..

كانوا عارفين ان
تالتهم الشيطان
بس اللى بنهم كان
اطعم من كل الدنيا
النشوة شبه الشبورة
بعد ما اكلوا التفاحة
اتبدلوا اتهامات الاحا سيس

دسيية

رشحتك للعمر ونيسة
واخذتك للروح قديسة
وبقيتي الملكة
وانا كل الشعب
بتكسر زى الموج
قلبك جامد زى الصخر
وانا برقص على دقة قلب
فوق صوت الريح
ولا عارف ان انتى دسيية

لحظة بكا..

١. الليل يرضعنى احساس
بالكابه والاحباط
انقل خطوتى ف رحم الدنيا
واتدارف اشجار الغاب
الى طالع شيطانى
اتشعبت فيا واقطف منى
حبات التوت البرى
يطلع على الصبح فجأة
واللقى الشنط كلها مخرومه..
٢. فى الليل يحط بوم الاحزان
على شباكى
تشرب من نومي
وتاكل من اعصابى
وتضحك اكثر لما بتسمع
اشعارى فى الحب
لحظة ما هابكى
تلحس دمعتى من على خدى..

المدن العطشانه..

١. يا كوديت الزار المقدس
قومي ازحفي في
بريق اللغة الهلوعرفية
وادخلي كل المدن العطشانه
الليل الاسود نام بين رجليه
وبيرسم توارىخ للحدائنه
بعد ما قالوا العهر حضاره..

٢. بتجرى فوق ضفايرها الغرائز
يحكوا لمين عن التضاريس
اللى بترسم جسمها
وبانت في شهوة القصيدة..

زبون..

كان قلبه الاهل
بيسلم سلاحه لأول ضحكة
بتقبله فى حياته
وبيسمع منها كلام العيون
يفتح الضلفه اليتيمة
على اخر الكالون
وبيعت احلامه الساذجه
لكل العواطف القديمه
المركونه ف الجسم النحيل
ويدخل على طول السيمما
يشوف الواد ابو قصه
وهو بيقابل البنت حبيبته
يجرى يتفرج على صور
النسوان العريانه ف الافيشات
وهو مش عارف انه كان زبون

مساحة حب..

كانت ماشيه على جسر الدموع
وفى كرمشة وشها
تتنسابق كل الاحلام
وبتشتاق تقابل نسمة فلاحى
وعلى طرف الشفايف
مكسوره الحروف
طالعه المواليد ترسم
بالصلصال مساحة حب
ونقوش لخيلى بتعشق الرملة
وتراقب هطول الندى
وعيون خايفه على كل الوشوش

رقصة المدبوح..

القلب تمثال لهيل
حين ما هاجر للوطن
وبيطلع من لون المية العكرة
كان حب البنات البكر
بيسقينى حبة خمرة
من كباية الكاهن
لما رقصت جوه بلاط المدبح
وبقيد شموع الامل
قدام قرايين الرب
الصرخة ترج عواميد المعبد
وانا بعزف تراتيل ا لملكوت
اترينى بجمال شكل الدنيا
..بلون الوهم

حجر..

شوية حزن ما يضرش
لر عشة القلب
حبة عشق كفايه
لر عشة العين
شء من الخوف
ضرورى لر عشة الرجلين
يا صا حبتى..
قلبك ليه صبح خشب
وعنيكى ليه بقت قزاز
وانا شايفك تمثال
هو انتى عارفه الحجر..
٢. رغم ان كلامك يرغمنى
انام ع الجنب اللى يريحك
واقول اوتار مش ليه
حتى لو قولتلى اوعاك تخاف
والحب ده من اختراعى
من بعد نوم سنين كتيرة
لقيت الموت دافن جلالتك
ولقيت رسالةفى عنيكى
بتقوللى اوعاك تتحدى الموت
واواعة اى يا شمعة تخافى تقيدى..
٣. يا فاطمه ابنك م الرضاعة
وزوقتى نفسك للقتل جوزك
وسرق من ابنك العرش
وراح يحضن الجميزة
والغيظ المكتوم ف قلبه
نام على زهرة اللوتس
وحلم بمراكب الشمس..

ادينى دفاك ...

فى الليل الغطيس
هات الصديق الحسيس
وهات افكارى اللى كانت
وبرطمان العسل من قلبك
والقلة النايمة على الشباك
الدمعه النازله على خدى
وما تعيطيش بس ممكن تندمى

وش البنٲ حبیبتی..

مش عارف لیله
کل ما قعد ف فرح
فیه سمسیمیه بیشدنی
صوت الوتر للرقص
ویشدنی ریهة التراب للعب
ف ارسم نیل وهرم ونخیل
وعیال غلابه واغنیاء
بتحضنهم طبلیه
مش عارف لیله
کل ما اقعد ارسم
وش البنٲ حبیبتی
وایدیها نازلہ تحضن ایدی
والفرحه تترقص جوه وریدی
ومن عینی تبص
مش عارف لیله
کل ما اقعد ارسم
اللقى الغول العایش
جوه حیاتنا جای
بشبابه الاتقل من لیل طوبه
طالع نازل یقطف ویحش
ویحفر حوایا الاحزان
عایز اقعد ارسم شجرة
بدل الرمله فی حلمی الجای
واحط همومی تحت فروعها
واخذ ضلها بین احضانی
واشرب بیهم واحد شای
ولما یخدنی الخوف واقوم
اغمی عنیه واقول لهمومی
بای بای بای بای

حبة برد كثيره..

مع انى اتعودت
اتكيف ع الاوضاع
والناس والخوف والفقر
ولانى اتربيت ما ارفض
النعمه واحمد واشكر
ساكن جوه ف عضى
حبة برد كثيره
بيمضغوا فيه ف انام
وانعس جدا جدا
وكانى ملكت الكون
مع انى بحس
انى نفسى اصرخ
عمال على بطل
فى وشوش الناس
وانفض صورتي الهاديه
ماتت بهيه ومات ياسين
برجع من كل الشاوير
يا دوب بتراب ع الجزمه
وقطع كبير باين
فى النعل بتاعها
وابنى التوام ساب
نفسى وتاه
فكره عبيطه قديمه
ما كل الناس بتروح وتموت
ايه يعنى الصبح
ما هيعديش طبعا لا
جلدك بيجدد نفسه بنفسه
وقلبك بيضخ الدم
لخارج جسمك ولداخل
جسمك مش فارقه
الازمه انك تكتب قصيده

جديده وتجادل نفسك
وتضمها لباقي اخوتها
في درج قديم
ساعة حزن تطير
كل الحكايات منك
وبتغرق فيك فتعافر
وتحارب وتمسك قشه
وتنسج منها شراع
فيخونك وينكسر منك
ساعاتها تتبدل احلامك
وبدئك الفاضل وترجع
تتكيف ع الاوضاع
والناس والخوف والفقر

عروسه ومرايه..

..لملم عيونك
من على وشوش العيال
وارميها على وش الكنال
كل المراكب خارجه م الخيه
واد يا فلايكي يا اللي محملها
بعروسه ومرايه قلم وبرايه
واد يا فلايكي افتللحلقايه
وارسى على قلبى ولا ما ترساشى
انا لسه رابط ع الجروح شاشى
جرح الملايكة يطيب الملاح
بيبان على الميه
فى ايده كام مفتاح
ارسى يا مركب ع الجبل وانزل
اقرا كتاب السحر بالكلمه
حرف وعلامه يغيروا المعنى
عايز بلاد هاديه ومن غير حرب
عايز حصان عربى يقوم يرقص
عايز ملابس وحمص افرقه ع العيال
حطوا عنيكم فنجيبى حق المشال
تدوني ما تدويش برضه هالملم شفايفى
من على خدود العيال
وارميها على وش الكنال
كل السواقى ف غيطانى
رايحه ومش جايه
كل السواقى بتاعتى بس منباعه
للى بيعرف يسافر من غير ولا خطوه
والف حصوه ف عنين خيال الماته
وانا صحابى القمر والطين
اسكت واعمل رزين
اخواتى لما يخلصوا دروسهم

فى كتاب العجين
ويحفظوا م اللوح القمح واللوزه
ومواجه البساتين
هيرجعا للسما وينزلوا
يصلوا صلاة الارض
وبرضوا هارجع والملم شفايفى
من على حدود العيال
حبه هاخبيهم علشان الزمن
وحبه هاندرهم علشان الوالى
وحبه هانقشهم على جبين الصبايا
اللى هاتسقينى وتسقى العيال

فى نص الطريق..

تعدى ف ميعادك معاكى صحابك
احاول ما بصش ولا انظر اليكى
واركز وابعتر واحول عنيه
شويه بشويه ليظهر عليه
اثار الارتباك
وتمسكها فرصه عليكى البنات
واعد الخطاوى اللى بين مدرستنا
لاول حارتنا
واقبلك واعتبك ف نص الطريق
واحكى كلامى لاقرب صديق
يوصل كلامى
وتضحك زمايلك لكلمه تقوليها
وانا اضحك معاهم
واهديكى وردة تشيلها ف كتاب
وفات يوم وشهر
وحوش ليكى كمان الف مهر
وعدوا البنات وفرحوا وشافونى
وحسوا ف عنيا بحرارة السؤال
وجت واحدة قالت ما تستنهش
حبيبتك سابتك معانا الجواب
بتقولك بحبك واترحم عليها واتحمل بعاد

صدف..

وقابلتني رميت اشواقى ف عنيتها وبلغنا
ودارت جوه عواطفنا وشاوش حب كلمنا
وافترقنا وحوشنا المواعيد
رغم اندهاش الموجودين
وحتى ما اتحدد زمن
وسبنا وقتنا للصدف

انعدام الوزن..

ومدام ف زمن انعدام الوزن
ينكسر الكلام منى
فجأة ينفرط الممكن فى فن المستحيل
الزير يعكر عكارة روقة الميه
صاحب الفرح ف الفرح
والمعازيم انواع
ومدام ف زمن انعدام الوزن
كل اللى نام ما قام
وقول على الدنيا السلام

فهرست المحتويات

عورة	- ٢ -
ماتعيطيش	- ٣ -
الكلام المر	- ٤ -
احلام عديمة	- ٥ -
استهبل	- ٦ -
خاتم سليمان	- ٧ -
حاجات كدة	- ٨ -
حبة قصايد لكى	- ٩ -
بيت من الرملة	- ١١ -
قبر حياتك	- ١٢ -
طلاق	- ١٣ -
تفاحة آدم	- ١٤ -
دبلة	- ١٥ -
رحلة	- ١٦ -
ملاية	- ١٧ -
غية حمام	- ١٨ -
نهايه	- ١٩ -
وفاء	- ٢٠ -
تهديد	- ٢١ -
اهانه	- ٢٢ -
فضيحه	- ٢٣ -
زنازة	- ٢٤ -
طاقة نور	- ٢٥ -
مولود	- ٢٦ -
علاقة	- ٢٧ -
دسياسة	- ٢٨ -
لحظة بكا	- ٢٩ -
المدن العطشانه	- ٣٠ -
زبون	- ٣١ -
مساحة حب	- ٣٢ -

- رقصة المدبوح.. - ٣٣ -
- حجر.. - ٣٤ -
- اديني دفاك.. - ٣٥ -
- وش البنيت حبييتي.. - ٣٦ -
- حبة برد كتيره.. - ٣٧ -
- عروسه ومرايه.. - ٣٩ -
- فى نص الطريق.. - ٤١ -
- صدف.. - ٤٢ -
- انعدام الوزن.. - ٤٣ -
- فهرست المحتويات.. - ٤٤ -

أهـ..

يارقعاشة محمور هامة
حصن الزمان و الذكريات
محطشان وفتح اشتياقي
اقصبي العلم في حروفك
وقأخذي لي صمد ايديكي
حد الجراح و اليأس
قلقي زحمة مواجعي
لكل كدوب المدن

شوقي عبد الوهاب